

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI KHAMIS, 14 NOVEMBER 2013, PUKUL 10.00 PAGI

Bil. 39

PERTANYAAN-PERTANYAAN BAGI JAWAB LISAN

1. PR-1313-L58843
Datuk Haji Datu Nasrun bin Datu Mansur [Silam] minta **PERDANA MENTERI** menyatakan berkenaan keputusan yang telah dibuat oleh ESSCOM untuk merobohkan kawasan perkampungan atas air di Parlimen Silam, adakah Kerajaan telah mengkaji kesan terhadap perubahan demografi yang akan berlaku di kawasan Bandar, terutamanya golongan Bumiputera yang akan dipindahkan dari kawasan bandar ke kawasan pedalaman.
2. PR-1313-L58918
Tuan Ahmad Marzuk bin Shaary [Bachok] minta **MENTERI PERTANIAN DAN INDUSTRI ASAS TANI** menyatakan apakah alasan subsidi baja padi disekat kepada penanam padi di Mukim-mukim dalam parlimen Bachok. Apakah pemantauan dibuat oleh Kerajaan terhadap penghulu, pengerusi Majlis Pembangunan Pertanian Parlimen, Pejabat Pertubuhan Peladang dan mana-mana pegawai yang menyalah guna kuasa dalam pemberian subsidi baja padi.
3. PR-1313-L58222
Dato' Hasbullah bin Osman [Gerik] minta **MENTERI PENGANGKUTAN** menyatakan sebab-sebab berlakunya kesesakan trafik di KLIA pada 23 dan 25 Ogos 2013 dan apakah punca serta tindakan DCA untuk mengatasi masalah ini.
4. PR-1313-L57893
Dato' Kamarul Baharin bin Abbas [Telok Kemang] minta **MENTERI TENAGA, TEKNOLOGI HIJAU DAN AIR** menyatakan adakah Kementerian berhasrat untuk memberi pertimbangan sekiranya ada pihak atau korporat yang menawarkan untuk mengambil alih Suruhanjaya Perkhidmatan Air Negara (SPAN).

5. PR-1313-L57705
Tuan Rozman bin Isli [Labuan] minta **MENTERI PERTANIAN DAN INDUSTRI ASAS TANI** menyatakan:-
 - (a) mengapakah permit import dan eksport bahan makanan di bawah Akta Binatang 1953 diperlukan untuk kemasukan ke Labuan dari Sabah yang dikuatkuasakan oleh pejabat MAQIS Wilayah Persekutuan Labuan sehingga banyak diperkatakan mengganggu kelancaran dan meningkatkan kos; dan
 - (b) bolehkah ianya dikecualikan untuk pergerakan antara Sabah dan Labuan memandangkan saiz Labuan yang kecil dan banyak bergantung kepada Sabah untuk bekalan bahan berkaitan.
6. PR-1313-L58357
Tuan Haji Khalid bin Abdul Samad [Shah Alam] minta **MENTERI PENDIDIKAN** menyatakan berapakah jumlah hutang yang perlu dibayar oleh peminjam PTPTN dan senaraikan nama yang disenarai hitamkan oleh PTPTN.
7. PR-1313-L57401
Datuk Juslie bin Ajirol [Libaran] minta **MENTERI KEWANGAN** menyatakan sejak memperkenalkan keterbukaan mendapat pandangan dan idea dalam kalangan rakyat sebelum pembentangan bajet di bawah pimpinan YAB Perdana Menteri, Dato' Sri Mohd Najib Tun Abdul Razak, nyatakan berapa jumlah pandangan dan idea yang telah diguna pakai dan menepati kehendak pembangunan ekonomi negara dan keperluan rakyat semasa.
8. PR-1313-L57115
Dr. Haji Izani bin Haji Husin [Pengkalan Chepa] minta **MENTERI DALAM NEGERI** menyatakan bagaimanakah Kerajaan ingin meningkatkan produktiviti, integriti serta imej positif jabatan-jabatan penguatkuasaan seperti jabatan Polis DiRaja Malaysia, Jabatan Imigresen serta Suruhanjaya Pencegahan Rasuah agar ianya dihormati dan dihargai rakyat .
9. PR-1313-L57096
Dato' Seri Ong Ka Chuan [Tanjong Malim] minta **MENTERI KERJA RAYA** menyatakan apakah langkah dan kaedah yang berkesan dalam mengendalikan pengaliran trafik untuk mengelakkan kesesakan di Lebuhraya Utara Selatan dalam musim perayaan dan percutian.
10. PR-1313-L58590
Tuan Mohamed Hanipa bin Maidin [Sepang] minta **MENTERI KEMAJUAN LUAR BANDAR DAN WILAYAH** menyatakan berapakah jumlah kampung Orang Asli yang ada di kawasan Parlimen Sepang dan jumlah penduduk orang asli keseluruhan di Sepang mengikut pecahan agama.
11. PR-1313-L57683
Dato Sri Dr. Muhammad Leo Michael Toyad Abdullah [Mukah] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan berapakah koperasi yang telah diluluskan di Sarawak pada 2011 hingga 2013.

12. PR-1313-L57627
Tuan Gobind Singh Deo [Puchong] minta **MENTERI KERJA RAYA** menyatakan kesediaan Kementerian untuk membincangkan secara terbuka dan telus kontrak dan nyatakan serta memberikan butiran terperinci pembinaan lebuh raya baru yang melalui kawasan Parlimen Puchong serta kos yang akan dibiayai pengguna jalan di Puchong.
13. PR-1313-L57454
Datuk Chua Tee Yong [Labis] minta **MENTERI KEWANGAN** menyatakan apakah tindakan yang akan diambil untuk mengurangkan hutang Negara kita yang kian meningkat sehingga hampir mencecah had hutang yang ditetapkan pada 55% daripada KDNK.
14. PR-1313-L58450
Tuan Mohd Rafizi bin Ramli [Pandan] minta **MENTERI DALAM NEGERI** menyatakan jumlah bilangan kes jenayah di Pandan bagi tahun 2009, 2010, 2011, 2012 dan 2013, dengan menyatakan bilangan laporan polis yang telah dibuat, bilangan kes yang disiasat dan bilangan kes-kes yang diteruskan ke peringkat pendakwaan. Berapakah jumlah anggota polis yang ditugaskan di Pandan mengikut pecahan tugas.
15. PR-1313-L59062
Dato' Shamsul Anuar bin Haji Nasarah [Lenggong] minta **MENTERI BELIA DAN SUKAN** menyatakan:-
 - (a) pendekatan terbaru Kementerian mengenai program pembangunan belia di Malaysia; dan
 - (b) bagaimana Kementerian mengatasi masalah sosial di kalangan remaja.
16. PR-1313-L57589
Tuan Hee Loy Sian [Petaling Jaya Selatan] minta **PERDANA MENTERI** menyatakan sekiranya banci nama, umur dan jumlah pampasan yang diterima akibat daripada peristiwa berdarah Kampung Medan pada tahun 2001 seperti yang dijanjikan sudah dijalankan.
17. PR-1313-L57162
Tuan Masir Kujat [Sri Aman] minta **MENTERI KEMAJUAN LUAR BANDAR DAN WILAYAH** menyatakan sama ada Kementerian mempunyai rancangan dalam RMK-10 untuk menyambung bekalan air bersih luar bandar di sepanjang Jalan Lachau-Kara-Selanjau di Sri Aman.
18. PR-1313-L59087
Tuan Haji Nasrudin bin Hassan [Temerloh] minta **MENTERI PENDIDIKAN** menyatakan statistik guru-guru yang berdepan dengan masalah disiplin dari tahun 2010 hingga Jun 2013.

19. PR-1313-L58953
Tan Sri Dato Sri William Mawan Ikom [Saratok] minta **MENTERI PENGANGKUTAN** menyatakan:-
- (a) setakat manakah keberkesanan pelaksanaan program Bantuan Lesen 1Malaysia (BL1M) yang telah dilaksanakan baru-baru ini di mana telah dikendalikan oleh Pergerakan Pemuda UMNO Malaysia dengan kerjasama Jabatan Pengangkutan Jalan; dan
 - (b) berapakah jumlah permohonan yang telah diterima, diluluskan dan bagaimana dengan pemohon yang telah membuat permohonan tetapi tidak disenaraikan untuk mengikuti program tersebut.
20. PR-1313-L57760
Tan Sri Dato' Seri Abd Khalid bin Ibrahim [Bandar Tun Razak] minta **MENTERI TENAGA, TEKNOLOGI HIJAU DAN AIR** menyatakan langkah-langkah yang akan diambil oleh Kerajaan Persekutuan bagi memastikan proses penstrukturan semula industri air Selangor akan selesai hujung tahun 2013 ini agar menghormati roh Akta Industri Perkhidmatan Air 2006 demi kesejahteraan rakyat.
21. PR-1313-L58088
Datuk Sapawi bin Ahmad Wasali [Sipitang] minta **MENTERI LUAR NEGERI** menyatakan jumlah bantuan/sumbangan rakyat Malaysia termasuk dalam bidang perubatan yang telah dihantar menerusi misi bantuan kemanusiaan kepada pelarian konflik Syria.
22. PR-1313-L58027
Tuan Sim Tong Him [Kota Melaka] minta **MENTERI KOMUNIKASI DAN MULTIMEDIA** menyatakan tentang projek Gagasan 1Malaysia untuk tahun ini. Berapa jumlah peruntukan telah disediakan untuk projek ini. Senaraikan semua projek dan program dengan anggaran kos terlibat. Mengikut kajian Kementerian, apakah pencapaian projek ini dan berikan dengan butirannya.
23. PR-1313-L57161
Datuk Linda Tsen Thau Lin [Batu Sapi] minta **MENTERI SAINS, TEKNOLOGI DAN INOVASI** menyatakan apakah usaha Kerajaan Persekutuan untuk menggalakkan sains dan teknologi di Sabah dan menyokong penyelidikan di Sabah.
24. PR-1313-L57445
Dr. Hajah Siti Mariah binti Mahmud [Kota Raja] minta **MENTERI PENDIDIKAN** menyatakan bagaimana Kementerian memantau dan menilai keberkesanan pengajaran J-QAF di sekolah.
25. PR-1313-L57934
Datuk Seri Panglima Haji Abdul Ghapur bin Haji Salleh [Kalabakan] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan sama ada Kementerian juga merancang untuk mengadakan "*incinerator*" dan berapakah yang dirancang untuk negeri Sabah.

26. PR-1313-L57354
Puan Nurul Izzah binti Anwar [Lembah Pantai] minta **PERDANA MENTERI** menyatakan berapakah bilangan pelajar serta jumlah perbelanjaan biasiswa luar negara oleh Kerajaan dan Syarikat Berkaitan Kerajaan (GLC) daripada 1982-2012. Nyatakan juga berdasarkan kaum masing-masing.
27. PR-1313-L59051
Dato' Abdul Manan bin Ismail [Paya Besar] minta **MENTERI DALAM NEGERI** menyatakan berkenaan pindaan Akta Pencegahan Jenayah (PCA) 1959 adalah bagi mengukuhkan kuasa polis menjadikannya satu undang-undang yang digeruni dalam usaha Kerajaan membanteras kegiatan jenayah.
28. PR-1313-L58794
Puan Hajah Fuziah binti Salleh [Kuantan] minta **MENTERI KOMUNIKASI DAN MULTIMEDIA** menyatakan adakah Kerajaan mempunyai rancangan untuk menyiarkan rancangan berbentuk wacana yang melibatkan Ahli Parlimen dari Kerajaan dan pembangkang sebagai panelis dan disiarkan melalui RTM secara mingguan yang membincangkan soal polisi agar dapat dinilai sendiri oleh rakyat.
29. PR-1313-L58306
Dato' Ahmad Fauzi bin Zahari [Setiawangsa] minta **PERDANA MENTERI** menyatakan kesediaan Kerajaan mewujudkan lebih banyak Jawatankuasa Pemilih Parlimen bagi membincangkan isu-isu yang melibatkan negara dan rakyat dengan lebih mendalam dan dinilai dengan baik.
30. PR-1313-L59024
Puan Siti Zailah binti Mohd Yusoff [Rantau Panjang] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan usaha untuk memperkasakan keberkesanan peranan PBT yang kawasan liputannya terlalu luas dan melebihi dari satu parlimen. Bilakah kerajaan akan mewujudkan satu parlimen satu PBT dengan kerjasama kerajaan negeri di seluruh negara.
31. PR-1313-L58258
Dr. Noor Azmi bin Ghazali [Bagan Serai] minta **MENTERI KESIHATAN** menyatakan adakah Kementerian sedar kejadian demam denggi sehingga menyebabkan kematian dikatakan meningkat akhir ini. Apakah status terkini denggi di Malaysia dan apakah Kerajaan akan mengambil langkah yang lebih drastik untuk mengurangkan masalah ini.
32. PR-1313-L57472
Tuan Shamsul Iskandar bin Mohd Akin [Bukit Katil] minta **PERDANA MENTERI** menyatakan apakah tindakan yang telah diambil oleh Jabatan Agama Islam berkaitan dengan pengakuan puak syiah di dalam memorandum mereka kepada Yang di-Pertuan Agong mengenai kejayaan mereka menyerap masuk ke dalam budaya melayu (berzanji, maulud, talkin, Yasin malam jumaat, tahlil, isra' mikraj dan nisfu sya'ban).

33. PR-1313-L58710
Dr. Ong Kian Ming [Serdang] minta **MENTERI KEWANGAN** menyatakan jumlah bayaran yang diberi kepada syarikat konsultan McKinsey & Co. pada tahun 2011, 2012 dan 2013 untuk semua Kementerian di peringkat Kerajaan Persekutuan dan badan-badan berkanun Persekutuan.
34. PR-1313-L57849
Tuan Liew Chin Tong [Kluang] minta **PERDANA MENTERI** menyatakan secara terperinci bilangan siswazah menganggur daripada tahun 2003 hingga 2013 mengikut negeri, kaum, dan umur.
35. PR-1313-L58126
Datuk Raime bin Unggi [Tenom] minta **MENTERI PENDIDIKAN** menyatakan jumlah makmal komputer yang masih beroperasi di negeri Sabah dan setakat mana makmal komputer sekolah telah dilengkapi kemudahan mengakses Internet tanpa wayar, mesin cetak dan pengimbas.
36. PR-1313-L58067
Tuan Khoo Soo Seang [Tebrau] minta **MENTERI PEMBANGUNAN WANITA, KELUARGA DAN MASYARAKAT** menyatakan program-program yang dilaksanakan untuk membantu golongan yang miskin dan bergantung kepada bantuan Kerajaan untuk berdikari.
37. PR-1313-L57431
Dato' Haji Mahfuz bin Omar [Pokok Sena] minta **PERDANA MENTERI** menyatakan apakah aktiviti *Aerospace Malaysia Innovation Centre* (AMIC) yang telah dilancar oleh YAB. Perdana Menteri ketika LIMA 2011.
38. PR-1313-L58613
Dato' Dr. Mujahid Yusof Rawa [Parit Buntar] minta **PERDANA MENTERI** menyatakan usaha-usaha reformasi institusi Parlimen supaya mencapai tahap Parlimen bertaraf dunia.
39. PR-1313-L57170
Dato' Dr. Tan Kee Kwong [Wangsa Maju] minta **MENTERI KERJA RAYA** menyatakan apakah wujudnya rancangan pembinaan lebuh raya baru di Malaysia dan apakah wujudnya cadangan untuk menambah baik lebuh raya di Malaysia.
40. PR-1313-L57197
Dr. Che Rosli bin Che Mat [Hulu Langat] minta **MENTERI KESIHATAN** menyatakan jumlah pesakit yang mendapatkan rawatan di Hospital Kerajaan mulai tahun 2010 sehingga 2013 dan apakah langkah-langkah yang diambil untuk menyediakan prasarana yang mencukupi.

41. PR-1313-L58609
Tuan Manivanan a/l Gowindasamy [Kapar] minta **PERDANA MENTERI** menyatakan:-
- (a) bagaimana peruntukan RM100 juta (2011), RM111 juta (2012) dan RM150 juta (2013) yang diperuntukkan kepada Program Pendidikan PERMATA digunakan dan diagihkan secara terperinci; dan
 - (b) apakah usaha-usaha yang telah dilaksanakan oleh Program Pendidikan PERMATA dalam membangunkan pendidikan Malaysia demi masa depan anak-anak kita.
42. PR-1313-L58249
Tuan Anyi Ngau [Baram] minta **MENTERI KESIHATAN** menyatakan apakah status terkini rancangan untuk membina Klinik Kesihatan Desa (KKD) di Sungai Peking dan bilakah pembinaan KKD Sungai Peking ini dapat dilaksanakan sepenuhnya.
43. PR-1313-L58537
Tuan Mohamed Azmin bin Ali [Gombak] minta **PERDANA MENTERI** menyatakan jumlah kes rasuah yang disabitkan kesalahan semenjak 2010 mengikut tahun dan berapakah jumlah kertas siasatan yang dikemukakan kepada Peguam Negara tetapi pendakwaan digugurkan oleh Peguam Negara semenjak 2010.
44. PR-1313-L57473
Dr. Michael Jeyakumar Devaraj [Sungai Siput] minta **MENTERI PELANCONGAN DAN KEBUDAYAAN** menyatakan sebab-sebabnya tawaran Parti Komunis Malaya dalam Perundingan Perdamaian Baling pada Disember 1955 untuk menghentikan pemberontakan bersenjata dan meletak senjata tidak diterima oleh pemimpin Perikatan walaupun mereka telah berkempen dalam pilihan raya Julai 1955 atas platform pengampunan untuk pejuang komunis.
45. PR-1313-L57239
Dato' Seri Anwar bin Ibrahim [Permatang Pauh] minta **PERDANA MENTERI** menyatakan tuntutan pelbagai pihak agar Seksyen 9A Akta Pilihanraya 1958 dimansuhkan dan apa alasan Kerajaan tidak bersetuju memindanya.
46. PR-1313-L57801
Dato' Ar. Wan Mohammad Khair-il Anuar bin Wan Ahmad [Kuala Kangsar] minta **MENTERI KOMUNIKASI DAN MULTIMEDIA** menyatakan apakah status setelah pihak SKMM memohon untuk mengenal pasti akaun penama terbabit tetapi ditolak oleh *Facebook* dan peratusannya. Apakah yang membuatkan *Facebook* menolak permohonan Kementerian sedangkan sedia maklum permohonan daripada negara-negara lain telah diberi pengenalan sekurang-kurangnya separuh daripada permohonan negara-negara ini daripada *Facebook*.

47. PR-1313-L57991
Puan Rubiah binti Haji Wang [Kota Samarahan] minta **MENTERI SUMBER ASLI DAN ALAM SEKITAR** menyatakan secara statistik program penyelenggaraan sungai di kawasan Parlimen Kota Samarahan dalam tempoh 2011-2013.
48. PR-1313-L59067
Tuan Haji Ahmad Lai bin Bujang [Sibuti] minta **MENTERI PENDIDIKAN** menyatakan selaras dengan Agenda Pemerkasaan Ekonomi Bumiputera, mewujudkan kampus baru UiTM bertujuan bagi mencapai kemasukan pelajar sehingga 250,000 menjelang 2020. Adakah Kerajaan dapat mewujudkan cawangan UiTM di utara Sarawak terutama di Bahagian Miri.
49. PR-1313-L57889
Tuan Charles Anthony Santiago [Klang] minta **MENTERI DALAM NEGERI** menyatakan masalah-masalah yang dihadapi oleh agensi Kerajaan dalam pendaftaran pekerja asing 6P. Pada pendapat Kerajaan adakah program 6P satu kejayaan yang telah mencapai matlamatnya.

ATURAN URUSAN MESYUARAT DAN USUL-USUL**1. Menteri di Jabatan Perdana Menteri akan mencadangkan:**

BAHAWA pada Selasa, 12 November 2013, Yang Berhormat N. Surendran, Ahli Parlimen Kawasan Padang Serai telah mengeluarkan suatu kenyataan semasa sidang media di lobi Parlimen yang telah disiarkan di dalam beberapa media. Kenyataan itu merupakan satu tuduhan ke atas Tuan Yang di-Pertua Dewan Rakyat kerana menolak usul Yang Berhormat berkenaan di bawah Peraturan Mesyuarat 18(1) pada 12 November 2013. Tuduhan itu menyatakan Tuan Yang di-Pertua Dewan Rakyat antara lain memberikan fakta yang "*complete and utter lies*" (fakta yang tidak benar) dan Yang Berhormat Padang Serai juga membuat tuduhan bahawa Tuan Yang di-Pertua Dewan Rakyat adalah "Speaker yang bias".

DAN BAHAWA tuduhan-tuduhan itu adalah merupakan satu penghinaan kepada Tuan Yang di-Pertua yang menjalankan tugas sebagai Pengerusi Dewan ini dan demikian bererti penghinaan juga kepada Dewan Rakyat yang turut mencemarkan nama baik dan prestij Dewan Rakyat.

MAKA INILAH DIPERSETUJUI BAHAWA Yang Berhormat N. Surendran, Ahli Parlimen Kawasan Padang Serai hendaklah digantung daripada perkhidmatan Majlis Mesyuarat selama enam (6) bulan dari tarikh keputusan usul ini diluluskan.

2. Pertimbangan Rang Undang-undang Perbekalan 2014 (D.R.21/2013) dan Usul Anggaran Perbelanjaan Pembangunan 2014 seperti berikut:-

"Bahawa Dewan ini, mengikut subseksyen 4(3) Akta Kumpulan Wang Pembangunan 1966 [Akta 406], membuat ketetapan iaitu suatu jumlah wang sebanyak tidak lebih dari empat puluh enam bilion empat ratus sembilan puluh sembilan juta sembilan ratus sembilan puluh sembilan ribu ringgit (RM46,499,999,000) dibelanjakan daripada Kumpulan Wang Pembangunan bagi tahun 2014, dan bagi tujuan dan butiran perbelanjaan pembangunan yang dinyatakan di bawah Maksud Pembangunan atau ("P") dalam senarai Anggaran Perbelanjaan Persekutuan 2014, yang dibentangkan sebagai Kertas Perintah 42 Tahun 2013, adalah diuntukkan di bawah Maksud-maksud yang berkenaan jumlah-jumlah yang bersempena dengan butiran-butiran itu di ruangan enam dan tujuh senarai tersebut."

Dalam Jawatankuasa Sebuah-buah Majlis (14 November, 2013)

- | | | | |
|-----|----------------|---|-------------------------------|
| 3. | (D.R. 22/2013) | Rang Undang-undang Kewangan (No. 2) 2013 | Bacaan Kali Yang Kedua |
| | | [Menteri Kewangan] | |
| 4. | (D.R. 13/2013) | Rang Undang-undang Bahan-bahan Kakisan dan Letupan dan Senjata Berbahaya (Pindaan) 2013 | “ |
| | | [Menteri Dalam Negeri] | |
| 5. | (D.R. 16/2013) | Rang Undang-undang Rumah Perjudian Terbuka (Pindaan) 2013 | “ |
| | | [Menteri Kewangan] | |
| 6. | (D.R. 17/2013) | Rang Undang-undang Loteri (Pindaan) 2013 | “ |
| | | [Menteri Kewangan] | |
| 7. | (D.R. 18/2013) | Rang Undang-undang Pertaruhan Pool (Pindaan) 2013 | “ |
| | | [Menteri Kewangan] | |
| 8. | (D.R. 15/2013) | Rang Undang-undang Lambang dan Nama (Mencegah Penggunaan Tak Wajar) (Pindaan) 2013 | “ |
| | | [Menteri di Jabatan Perdana Menteri] | |
| 9. | (D.R. 10/2013) | Rang Undang-undang Kanun Tatacara Jenayah (Pindaan) 2013 | “ |
| | | [Menteri di Jabatan Perdana Menteri] | |
| 10. | (D.R. 12/2013) | Rang Undang-undang Keterangan (Pindaan) 2013 | “ |
| | | [Menteri di Jabatan Perdana Menteri] | |
| 11. | (D.R. 19/2013) | Rang Undang-undang Fi (Jabatan Muzium Malaysia) (Pengesahan) 2013 | “ |
| | | [Menteri Pelancongan dan Kebudayaan] | |
| 12. | (D.R. 20/2013) | Rang Undang-Undang Dadah Berbahaya (Pindaan) 2013 | “ |
| | | [Menteri Kesihatan] | |

13. PR-1313-U58205

Datuk Madius Tangau [Tuaran] akan mencadangkan:-

"Menyedari hakikat bahawa hak-hak istimewa Bumiputera di negara ini adalah terpelihara kerana perlindungan itu termaktub dalam Perkara 153 Perlembagaan Persekutuan. Menerima juga hakikat bahawa kewujudan Perkara 153 Perlembagaan Persekutuan yang digubal untuk melindungi hak-hak istimewa Orang-orang Melayu di Semenanjung Malaysia dan suku-suku kaum natif ataupun Orang Asal di Sabah dan Sarawak sepertimana yang terkandung dalam Native Interpretation Ordinance Sabah. Dan menerima juga hakikat bahawa suku-suku kaum Orang Asli di Semenanjung tidak termasuk dalam senarai di bawah Perkara 153 tersebut. Menyedari juga hakikat bahawa suku-suku kaum Orang Asli di Semenanjung Malaysia merasa tersisih dalam banyak dasar dan program yang dikhaskan untuk membela hak-hak Bumiputera. Menerima juga hakikat bahawa suku-suku kaum Orang Asli adalah ketinggalan jauh di belakang dalam kesemua aspek pembangunan sedangkan mereka ini adalah suku kaum peribumi yang sebenar. Di atas kesedaran tersebut maka saya dengan ini membuat Usul di Dewan yang mulia ini meminta pihak Kerajaan supaya membuat pindaan terhadap Perkara 153 Perlembagaan Persekutuan dengan tujuan untuk memasukkan suku-suku kaum Orang Asli Semenanjung dalam senarai suku-suku kaum yang dilindungi oleh peruntukan Perlembagaan tersebut."

(Perdana Menteri)

14. PR-1313-U59118

Tuan Zairil Khir Johari [Bukit Bendera] akan mencadangkan:-

"Bahawa pada masa ini, 34 peratus sekolah rendah di Malaysia mempunyai kurang daripada 150 murid dan secara rasminya telah diklasifikasikan sebagai Sekolah Kurang Murid (SKM). Mereka menyumbang 7 peratus daripada enrolmen sekolah rendah. Bahawa secara purata, SKM menghasilkan pencapaian akademik yang agak lemah berbanding sekolah kebangsaan yang lain. Skor purata komposit bagi sekolah ini ialah 68 peratus, 4 peratus mata di belakang sekolah kebangsaan lain. Kelemahan dalam prestasi ini boleh dikaitkan dengan tiga cabaran struktur. Bahawa pertama, 7 peratus sekolah kurang murid terpaksa melalui perjalanan yang jauh untuk hadir ke sekolah dan mengurangkan kemungkinan untuk menempatkan guru dan guru besar berprestasi tinggi berkhidmat di sekolah berkenaan. Bahawa kedua, sekolah ini kurang mendapat manfaat daripada segi kokurikulum, kemudahan yang lebih baik dan interaksi dengan rakan sebaya daripada pelbagai latar belakang. Bahawa ketiga, kebanyakan sekolah ini berada dalam kawasan status sosio ekonomi rendah dan menghadapi masalah yang berkaitan dengan staus sosio ekonomi itu. Keluarga berpendapatan rendah biasanya akan berdepan dengan cabaran untuk mengekalkan anak mereka di sekolah kerana terpaksa menanggung kos berkaitan bekalan, pakaian seragam, dan pengangkutan, yang membawa kepada pertambahan kadar tidak hadir ke sekolah. Bahawa perbelanjaan penyelenggaraan adalah 7 kali lebih tinggi untuk setiap murid di SKM berbanding dengan murid di sekolah harian biasa (Ekshibit 4-8)."

Kos yang tinggi ini ditambah pula dengan nisbah guru murid yang rendah pada kadar 1:6 berbanding purata kebangsaan, iaitu 1:13 sehingga menyebabkan kos operasi untuk SKM menjadi lebih tinggi. Bahawa Dewan ini menggesa Kerajaan mengambil langkah-langkah perlu untuk mengatasi masalah tersebut di atas."

(Kementerian Pendidikan)

15. PR-1313-U57786

Tuan M. Kulasegaran [Ipoh Barat] akan mencadangkan:-

"Bahawa Dewan Parlimen hendaklah mengambil maklum dan mengarahkan Menteri Sumber Manusia untuk membatalkan semua kelulusan untuk syarikat-syarikat yang menundakan pelaksanaan gaji minima."

(Kementerian Sumber Manusia)

16. PR-1313-U58419

Tuan Fong Kui Lun [Bukit Bintang] akan mencadangkan:-

"Bahawa Suruhanjaya Pilihan raya Malaysia dalam proses untuk melaksanakan persempadanan semula kawasan Pilihan raya hendaklah memastikan wujud keseimbangan pemilih antara kawasan Pilihan raya dan mengelak perbuatan menggerimander (gerrymandering) yang merugikan para pemilih."

(Perdana Menteri)

17. PR-1313-U58420

Tuan Fong Kui Lun [Bukit Bintang] akan mencadangkan:-

"Bahawa Kerajaan hendaklah menyalurkan peruntukan tahunan bagi Ahli Parlimen secara adil, baik untuk wakil rakyat BN mahu pun wakil rakyat pembangkang sebagaimana cadangan Kerajaan Negeri Pulau Pinang untuk menyalurkan peruntukan yang sama diterima oleh wakil-wakil rakyat pembangkang kepada wakil-wakil rakyat BN mulai tahun 2014."

(Perdana Menteri)

18. PR-1313-U58688

Tuan Manivanan a/l Gowindasamy [Kapar] akan mencadangkan:-

"Bahawa Dewan menggesa Kementerian Dalam Negeri mempertimbangkan cadangan untuk kes kematian di bawah tahanan Polis Diraja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan".

(Kementerian Dalam Negeri)

19. PR-1313-U58691

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia".

(Kementerian Pendidikan)

20. PR-1313-U59119

Dr. Tan Seng Giaw [Kepong] akan mencadangkan:-

"Bahawa Dewan ini membincangkan isu alternatif untuk mengatasi sisa pepejal di Malaysia termasuk insinerator moden."

(Menteri Kesejahteraan Bandar, Perumahan dan Kerajaan Tempatan)

21. PR-1313-U59120

Dr. Tan Seng Giaw [Kepong] akan mencadangkan:-

"Bahawa Dewan ini mendebatkan dasar dan langkah untuk menangani kemalangan jalan raya di negara ini."

(Menteri Pengangkutan)